


龍安府志

地 280.123

2734.132.1

132.2.1



龍安府志

星野

井鬼之次八參二度

形勝疆域附

郡連氏羌

隋地理志

繞帶靈山

唐地理志

其地

四塞山川重

阻經峭壁

靈棧聯屬百里

蒲翰景記

控握東南藩籬西蜀

志隋山高水峻

寰宇記

五關設險

行可賦

六閣懸崖

鄧艾

北崖

記

地握上游崆峒延袤而積雪川源風洞涪江委曲以施

藍彝夏襟喉川蜀保障

俱府志語

關隘相接四塞尤固

青川

東西廣四百三十里南北袤六百二十餘里東至陝西

寧羗州金山寺界二百八十里西至葉棠堡界一百五

十里南至成都府安縣界四百里北至陝西文縣竹塹

子二百二十里東南至省城九百八十里至

京師五千五十里

青川衛 府東一百二十里今歸併平武

大雄山 治北十五里山形峻峭迥出羣峰

東山 治東三十里

飛龍山 治東三十里

纓絡山 治東二十里

老君山 治西一里



丁平山 治北二里元平章丁世珍屯兵於此故名

高橋 治西南五里

永安橋 西門外一里

北雄關 治北三十里

平武縣 附郭

山川 關梁附

藥叢山 治南十里多產半夏巴戟故名藥叢今俗呼

為樂從

馬頭山 治西南十里以形狀名有西嶽祠最靈

崆峒山 治西北二十里山谷深險西接番界

金鳳山 治東十五里其土色赤日光照映形如金鳳

羊盤山 治東北六十里有石逕屈曲如羊腸

菁青山 治東九十里重峯疊嶂樹木森鬱

鳳朝山 治東南六十里形如翔鳳環繞府治

鳴水山 治東南六十里山飛泉觸石響應山谷

馬盤山 治東南一百一十里高三千三百丈其形似

馬盤旋峻阻行者難之

玉案山 治東南一百五十里山頭有白石如玉案

牛心山 治東一百五十里山形如牛心梁李龍遷葬

於山側武后革命鑿斷山脈水赤如血明皇

幸蜀有老人蘇垣奏龍州牛心山國之祖墓
今日蒙塵之禍乃則天掘鑿所致明皇命刺
史修墳如舊未幾誅祿山至德初陞州為都
督府號靈應郡

弩牙山 治東南一百六十里狀如弩牙鄧艾伐蜀屯
兵於此

石門山 治西南六十里與氐羌分界兩壁相對如門
左思蜀都賦云阻以石門即此地

鎮南山 治南渡涪江七里山峰正對府衙故曰鎮南云
君子山 治南渡涪江東三十里

長春山 治南渡涪江東五里

伏龍山 治南渡涪江東二十里蜿蜒蟠伏如龍

東阜山 治東五里有古禪寺

化豹山 治東北十五里其山高擁阻隔番寨林木豐
茂山色掩映如豹故名化豹

太平山 治西三里渡涪山麓有昆盧龍泉二寺今廢
延賢山 治南渡涪江二十里

火風山 治北十里勢聳險峭時有巔風疾雲震撼林
木其麓即箭樓山擁抱府城又名旗山

九龍山 治東五十里其地峻險前距鉄蛇關抵番地

一山九嶺疊聳如龍

天柱山 治東南二百七十里山峯峙如柱有鹿苑大
師道場故址云

太華山 治東一百五十里山有三峯狀如華岳

左擔山 治東一百八十里鄧艾入蜀路經江油因山

高江險修鑿棧閣以通擔負今七里閣是也

羊昌山 治西北五十五里山崖層疊通鉄蛇關

龍陽山 治東南五十五里山勢如龍起伏向陽中有

潛龍壑

仙女山 治西北九十五里傳有仙女靚耕遊戲於此

故名之

兩埡山 治北七十里山嶺分峙兩埡路通青川廣昭
等處

界山 治東北三百里山甚巍峭中通洞子灣

烈婦崖 治東南一百三十里海棠舖上舊名興文閣
山路盤陡下臨急湍永樂五年生員嚴庸妻
袁氏哭夫自溺於此詔旌之

水簾洞 治東三百二十里洞崖高峻有飛泉下垂千
尺如簾掛洞門

羅漢洞 有二一在府東四百里青蓮埡山腰有洞深

邃莫測中型有羅漢旁建有寺曰二層樓一
在石子舖左石室院宋政和六年間刻有石
像如羅漢因名焉成化中寺僧師曉募鉄鑄
羅漢易去石像僉事王瀚撰記

石鏡

東二百通琪寺左隔溪道旁有石光明如鏡
照見本寺

涪江

源發松潘風洞頂古岷山分水嶺東達小河
經府城二里環繞從西自南而東下接江綿
過重夔由巫山峽西匯荆湘凡數千里

白水江

源發寧羗界在青川所界治東北二百八十
里鄧艾伐蜀曾作浮橋於此

清漪江

源出藥叢山至彰明縣合涪江

醍醐水

沿東源出清潭嶺接青川流入巴陵江

木瓜河

源發西番界至木瓜橋

官渡河

源發赤山關竹絲嶺至冷浸琪與涪合流

火溪河

源發白馬路西番界源流最遠經天生橋壺

壑關至垂虹橋入涪

古城河

源發鉄蛇關番界出羊盤至古城與涪水合流

高村河

源發迤西番界出高村經大琪至百草舖與

涪合

大印河 源發白草峯界出三灘至彰明與涪合

果陽河 源發文縣界碧玉山西南與嘉陵江合東流
與昭化河合

金盤溪 東南三百里溪傍多沙石色如金

青川溪 源出西番界白雄關合醍醐水接嘉陵江合流

東溪 源發藥叢北流與涪江合

西溪 源發藥叢與東溪合流入涪

南溪 源發箐青接嘉陵江直抵白水

北溪 源發東山東出明月關與涪合

王氏井 府東正統六年宣撫司僉事王璽鑿

范公井 府東報恩寺內正德十六年經歷范輅鑿兵

備胡禮有記

月泉 東南一百七十里

濺珠泉 東南一百七十里泉瀉石崖噴激如珠

瀑布泉 南一百七十里其泉自層巒疊嶂飛流千尺

靈湧泉 府東古城大坪對河山腰疊嶂流出民資以

灌溉

大白臺 治東南一百五十里牛心山側唐李白讀書

於此

龍門關 治西界知府鄭孔道建

清平浮橋 城南門外萬歷二年知府鄭孔道叅將胡大賓創建進士金聲有碑記今廢

永濟橋 西北二十五里鉄龍堡下洪武中薛文勝以篾纜架橋永樂初薛忠義造鉄索六條長十五丈名曰垂虹宏治十五年都御史鍾復建橋亭二座於上

伏龍橋 治東三百里

通匯橋 治東四十里

通濟橋 治東南二百三十里

高鎮橋 治東北七十里正統二年副使李爵建

白石溝橋 府東二百八十里萬歷間知府孫延重脩

天生橋 治西北九十里通羊洞寨河水奔險有三巨石如柱居民架木為橋

巢雲閣 治內

棧閣 治東魏遣鄧艾伐蜀至秦隴等閣棧凡二十二處洪武十三年開設松潘衛又置飛仙等閣道二十五處

南崖閣道 治東六十五里正德初兵備盧公脩鑿平坦可行

建治沿革

禹貢梁州之域古氏羌地周武王伐蜀氏羌從之秦惠
 王遣司馬錯伐蜀地屬蜀漢高帝分蜀置漢中廣漢巴
 蜀四州地屬廣漢北部都尉東漢置陰平郡蜀漢以陰
 平屬益州晉置陰平平廣二縣屬陰平郡宋齊因之梁
 大通初為楊傑李龍遷所據後魏得之置江油郡西魏
 兼置龍州後州仍舊隋罷郡存州後廢州為平武郡又
 改龍門郡唐貞觀初改龍門州垂拱中改正州天寶初
 復為江油郡領江油青川二縣至德初改靈應郡屬劍
 南道尋陞都督府乾元初復為龍州中和初改聖縣宋
 建隆初改為正州乾德初復為龍州屬利州路政和中
 改正州紹興初復為龍州寶佑中徙治雍州仍為龍州
 元至正中遷江油於武都屬劍州改青川為巡檢司陞
 龍州為元帥府尋為龍州宣慰司明洪武初仍為龍州
 隸四川布政司宣德年為龍州宣撫使屬川北嘉靖四
 十五年改龍安府屬川西領縣三所一
 皇清因之以青川守禦千戶所併入平武縣共領縣三
 平武縣 附郭
 隋為平武郡 唐改龍門州 宋初復為正州紹興
 州宣慰司 明初因之嘉靖中改今縣編
 皇清因之以青川省入共編戶二里
 元陞為元帥府尋為龍

城池

龍安府城池 漢唐宋元設州有土城明洪武七年土
知州薛文勝始創建治於青川洪武二十三年知州薛
繼賢奏移今治週以木柵宣德五年知州薛忠義奏築
磚城周圍九里三分門四迎暉清平通遠拱宸外環以
濠東關設迎恩樓西關設鎮羌樓

平武縣 附郭

青川所城池 明洪武四年千戶朱銘創建周二里門
四長春通泉永安大雄萬曆二十四年知府沈銳檄鎮
撫趙斌重修本朝康熙六年知府翁佶捐資平武縣知

縣楊柱朝重脩完固

官室

龍安府清暉樓 府治內宋張 龍遷樓 府治東一百七
年季龍遷建邦人圖其像於 迎恩樓 東門 鎮羌樓
上元未治盡燬此樓獨存於

西門外 桂香樓 府東二 吏隱樓 舊州伴廳宋余判
半里 忠正堂 舊州伴廳宋建有 止止亭 宋太子
先俱有 范鎮司馬光像

和篇有 翠峯亭 舊州治牛 望闕亭 府治正堂後
文之邵建 楊公有記 嘉靖二十六年參政宋宜建久
建 濯纓亭 紀萬曆三年參將胡大賓重建 東臯亭

萬歷三十一年推 折柳亭 青川所 大白台 府治東
官焦宗會建 養濟院 今 義學 府治東知府陳
五十里牛心山側 唐李白讀書於此

常平倉 平武治前康熙二十二年知府陳于朝知縣朱鎔捐資重修

公署

龍安府治 明洪武初土官知州薛繼賢移建箭樓山

麓康熙二十二年奉頒

御書清慎勤匾額知府陳于朝摹刻懸掛大堂

參將府 陰陽學 醫學 僧綱司 道紀司

土通判 府城內 土知事 府城內

平武縣治 明萬曆十八年知府阮尚賓設知縣李邦

魁李僚相繼建修知縣何大有復增設月台門塾康熙

二十二年奉頒

御書清慎勤匾額知縣朱鎔摹刻懸置縣署堂

青川所治 洪武四年建指揮劉邦臣石鍾相繼重修

順治十六年奉裁歸併平武 分司一 治西 裁

陽地隘口長官司 府治北三十里

學校

龍安府儒學 宋祥符郡守吳濟始建元燬明洪武間

土官薛繼賢建於樂平鎮北山下隆慶間知府龍慶雲

改建今所大清知府翁佶重葺康熙二十二年知府陳

于朝同平武令朱鎔相繼捐資修葺二十五年奉頒

御書萬世師表匾額摹刻懸掛宮門

平武縣儒學 從未建附府學

青川所儒學 明洪武初劉珣奏建嘉靖遷於北街萬
歷中高有功重修順治十六年裁併平武

祠祀

平武縣 附郭

社稷壇 在治西各縣如制

風雲雷雨山川壇 在治南各縣如制

郡屬壇 在治北各縣如制曰邑屬

文廟 詳見學校志

啟聖祠 詳見學校志

文昌祠 在府治北

城隍廟 在府治北各縣如制

李龍遷廟 府治東牛心山上龍遷稱藩於梁有惠政
民立祠祀之洪武間賜龍陽李公廟

唐明皇廟 府治東二十里明皇幸蜀駐師於此

武侯廟 府治東一百里初祀鄧艾宋知州洪咨夔毀
其像更祀武侯告其民曰毋事仇讐而忘父母

張王廟 府治南

東嶽廟 在馬頭山

關聖廟 下臺臥龍堤北有醍醐水

土主廟 在石馬山早禱輒應

黃公遺愛祠 治東祀知府黃華國

沈公祠 在河東中堤祀知府沈銳

漢烈婦李氏祠 在舊州漢守將馬邈之妻立祠祀之
碑存

貢賦

實在民戶一千五百八十七戶男婦共三千一百七十四口

實熟民田地共二百二十六頃八十九畝二分四厘五毫七忽四微

估種五百五十五石四斗四升二合載糧共二百七十四石五斗四升四合七分八抄九撮三圭六粒應徵丁糧條銀三百二十五兩四錢七分三厘五毫七絲五忽三微八塵七沙二渺

科第

永樂年舉人

周原龍安人

馮進龍安人

成化年舉人

王溥平武人
見進士

宏治年舉人

王 濫 平武人 戊午

嘉靖年舉人

李鶴齡 青川人

皇清順治辛卯科舉人 以壬辰補試

苟鍾英 平武人 馬慶雲 平武人

劉啟隆 平武人 梁仲霄 平武人 嘉興縣任

梁道濟 平武人 蒲益昌 平武人

楊鳳翼 青川人 聊城知縣任

甲子科舉人

譚中言 平武人

康熙丙午科舉人

李毓春 平武人

明貢生

王承祖 任教授 歷天柱縣

王啟胤

王啟舉 開州判

劉廷玉 任廣濟縣丞

王啟愚 任金溪縣丞 歷安樂縣

薛獻璜

張應聘 任巡馬司

王者佐 任鞏昌府同知

皇清貢士

李 粹 趙鳴岐 彭繼祖

王玉汝 傅大任 任應宸

趙肇宗

顏悅

李之璧

呂大章

江舟楫

趙啟嗣

劉壘

李世龍

彭作哲

李猶龍

袁紳采

何為

附

皇清武宦

李廷明

平武人任汀州副總兵

康熙己酉科武舉

張毓藩

平武人

辛酉科武舉

以癸亥補試

楊亮彩

平武人

甲子科武舉

王國瑞

平武人

人物

宋雍繁孫

理宗昭定進士有文學製文昌碑見一統志

張琬

淳熙中自湖北副漕擢刺劍州視民如子

郡瀕水秋潦為患琬築堤以障民多德之博學善書

有白鹽赤甲等字傳於夔峽

明王溥

成化進士知完縣蒞政慈祥每謁學進諸

生究經傳務明大旨士人化之陞禮部主事

王 濫 龍安舉人初授漢川令復補光化性公直
廉平兩邑民俱建祠以祀之
李 聚 青川歲貢歷平陽別駕有孝友聲鄉評重之
南 東 青川選貢歷公安醴泉二邑尹政尚寬平
歸置義塚莖枯骨壽八十卒

孝義

宋 孫 貴 本府人事親盡孝承志不違親喪負土成
塋有烏鴉啣土投坟上人嘆其孝感稱為孝子
明 梁道濟 府庠生與妻楊氏同避亂山中賊執之使
跪濟罵曰我讀聖賢書忠義自許豈為賊屈耶欲犯

其妻妻亦罵曰我名家士女士人妻爾速殺我隨夫
地下於願足矣賊縛剛之夫妻至死罵不絕口
文 謨 年六十事親盡孝定有不少怠父母或有
不憚必跪求歡悅乃已時陳令旌其純孝云

皇清李 芳 父成宗病篤芳祝天求以身代割股救父
果愈里人稱之

烈女

漢 李 氏 守將馮邈妻詳見三國志
明 袁 氏 本府古城鄉人袁成保女年十八歲適庠
生嚴庸永樂五年庸至興文閣棧道墜江溺死袁氏

聞訃奔至溺所投水死家人搆屍兩月弗得至潦盡
灘清漁人李天用沙回頭河見袁氏與庸二屍相併
於崖側有司上其事表其門為貞烈見五倫全書
任氏 判官王貞妻貞故守節不二事聞旌表見
三邊志

劉氏 青川指揮女也年十七適高嵩踰年嵩卒
氏越三月生遺腹子高登長成廕襲孀居六十年事
聞表其門

張氏 青川王世英妻夫卒二子俱亡遺孫廷用
僅週歲氏撫廷用成立百有三歲而終有司表其門

曰節壽

柴氏 青川廩生李南山妻夫亡孀居四十餘年
教其遺孤允陽以選貢名

張氏 本府舊州人年十七歲適州人嚴某生子
明典明謨嚴卒氏苦守教子俱為庠生崇禎間知府
黨詳請建坊曰孝義清操

皇清王 氏 平武生員任仕舉妻苦志守節堅貞不渝
士民公舉請詳旌表

王氏 平武縣民趙如慶妻慶卒氏以死自誓守
志不變士民公舉請詳旌其門

文氏 庠生鮮于德妻年十八德卒撫遺腹子祚
遠課誦讀祚遠卒氏梵、無倚歷兵荒能堅白自全
康熙三年縣令張延基旌其門

王氏 龍安府長官司王懋永之女平武縣民龔
瑛之妻夫死撫孤守節三十六年乾隆三十七年士
民公舉詳旌其門

隱逸

宋胡仲 本府人宋時隱居授徒徵避皆不就名士
許鼎輩師事之人呼其居為胡仲山

仙釋

宋遊仙女 寶佑時有二仙女遊於小溪山人驟遇之
冉之陞雲而去異香香霽至今名其地為仙女鋪

明知慧菩薩 古城周曉師女生而不食葷好誦經年
十九有議婚事輒自面壁經旬不起嘗絕粒食柏葉
成化五年促父母送至江村口白馬寺樓上自焚結
跏坐滅歷暑不朽神靈顯異鄉人遂以沙築其身裝
塑成佛像號知慧菩薩劍梓人爭事之最有靈驗

風俗

務農工業刀耕火種人性質直俗尚剛勁俱隋志牧羊養
蜂郡國披檀佩刀史風俗與武都畧同寰宇記秦舊士

知尚文志青川

古蹟

平武縣附郭

舊龍州 即舊州梁李龍遷築城於此魏置州遺址尚存

江油廢縣 在舊州原附郭遺址尚存

平武廢縣 府治南街舊屬龍門州

方維廢城 府治內屬龍州唐省之

芍藥戍 府治南九十里本名檉漢戍永徽中改此名石門戍 府治東南與氏羌界兩石如門故云

青川城 古馬盤縣地形勢險古稱陰平摩天嶺即此漢鄧艾由此道伐蜀係秦蜀咽喉控白馬諸蕃明設守禦所

本朝歸併平武城圯康熙六年知府翁佳平令楊柱朝重葺之

馬龍廢縣 青川境內

明月沈潭 在明月渡舊傳每夜有月影李白有詩歲久漫滅今石壁上存宋宇文通詩刻

呂純陽道貌碑 相傳為先生真筆在牛心山今存宋御製封二郎神碑 在玉虛觀今存

太白讀書臺 在牛心山宋州守史祁手書石刻并
太白贈江油尉詩皆存
米芾碑 在玉虛觀今存
牛心山靈異碑 在牛心山之顯濟廟即李龍遷之
廟也廟碑不載撰人姓名

陵墓

梁李龍遷墓 在牛心山下
宋尚書許鼎墓 在牛心山側
雙鳳侍郎墓 府東一百八十里白溪口熬盤山麓
宋羅仁羅先俱侍郎合墓於此

孫孝子墓 孫貴至孝父歿哀號負土成坟人呼為
孫孝子墓出方輿勝覽

任待制墓 青川夏家溝

袁烈婦墓 生員嚴庸之妻與夫合葬前有旌表坊

寺觀

平武縣 附郭

報恩寺 府治東明正統四年僉事王璽奏建

龍歸寺 府治南五里旁有龍淵

觀音寺 府治西

毘盧寺 治東三十里

華嚴寺 治東四十里康熙六年重修

朝陽寺

天寧寺 府東古城

石牛寺 在青川

玉虛觀 在牛心山宋紹興中建重樓複閣為一方奇觀

仙鶴觀 府治西南

無極觀 府治東

玉靈觀 府東舊州

觀音閣 府治東三里康熙六年知府翁佳新建

兵制

按松潘乃西蜀之重鎮而龍安乃其東路與茂威疊綿悉屬要地故歷代設重職勁兵以防之明設安綿兵備道統轄各衛所軍兵設左叅將駐劄龍安府設石泉琪底守備以都指揮統行事又設把守指揮督櫓鼓坪堡睢水閣觀子堡徐平堡平通堡大印堡茅堆堡山茅堡徐塘堡琪底堡石板閣石泉堡青岡堡等處

本朝裁安綿道改松潘道為松龍道提調龍安尋奉裁康熙八年題請復松威道秋冬駐龍安康熙二十五年題改松茂道永駐茂州節制龍安實無兵柄仍舊設左叅

將一員中軍守備一員駐劄龍安守備一員駐劄石泉
縣兵額有差俱隸松潘鎮仰給外協餉米云

龍門志楊憲序年
遠無存

績志宋之願序
年遠無存

詩話

李白留題龍州詩嵐崗深院裏傍砌水泠泠野鷺巢官
舍溪雲入古廳日斜孤吏過簾捲亂峯青五色神仙尉
焚香讀道經碑見存
舊州

